

乃崗爾立之而歌思辭思爲師三湯之上乃樹村乎見者臣木毛生繼爾家里鳴鳥之音毛不更遐代爾  
 神左備將往行幸處

反歌

百式紀乃大宮人之飽田津爾船乘將爲年之不知久

〔南郭文集 三編八〕伊豫國溫泉碑

國史曰舒明帝十一年冬十二月幸伊豫溫湯宮明年夏四月帝至自伊豫又據伊豫國風土記所載景  
 行帝嘗幸溫泉仲哀帝亦幸溫泉齊明帝幸時天智帝武帝爲太子諸王亦同從幸并舒明帝帝幸凡  
 六云風土記又稱上古之時少名彥命病劇旣以爲死當時此地已有溫泉於是大己貴命用以浴灌少  
 名彥有間乃蘇亦不自知病已去體起曰吾假寐乎遂健步如故蹈旁石去其跡蓋存云寔蓋爲吾邦浴  
 溫泉之始則地神氏世所從來尙矣非特見賞於人皇也後乃祀少名大己於其旁爲湯神又有伊佐爾  
 波神祠亦曰湯築後更曰湯月相傳仲哀帝與神功后幸溫湯后因有身生應神帝應神廟號八幡宮故  
 應神帝爲主因并祭仲哀帝神功后今名曰湯月八幡宮崇祀最大云謹按國史諸書所載吾邦溫泉所  
 創莫先於此又考万葉諸什國風所采莫尙於此湯之前故有圓石圍可三尺名曰玉石亦古歌所咏爲  
 神代之表者也則立自太古可徵矣其諸神祠載在祠典諸帝行宮今御幸寺是也夫陵谷變遷桑海移  
 易名存實沒蓋亦不尠而此湯之出也蓋自剖判厥曠遠者不知其始姑以所聞近者年紀尙且在地神  
 氏之始至今數十萬載而不絕浴者起廢其效日新豈非造化凝精神明祐福者邪風土記又載聖德太  
 子所命立碑文雖世所記聞然其辭不可讀義多可疑且其石不存今不可得而考據故闕焉爾自寬永  
 中松山侯食封伊豫國溫泉在疆距松山治城東北二十里於是累世尊崇其湯及神祠及今侯源定喬  
 刻石紀其事志傳永久乃典故所列是以徵文獻矣

銘曰爰有溫泉在豫之士厥初養民復自太古人皇錫寵六降帝武神后禮祀載震茲澍天開靈滋社我